

"URGANCH SHAROB" акциядорлик жамияти
Кузатув кенгаши мажлисининг
2-сонли БАЁННОМАСИ

09.04.2020 йил

Урганч шаҳри

Мажлис ўтказилган жой: Хоразм вилояти, Урганч шаҳри
Саноатчилар кўчаси, 417-А-уй

Мажлис ўтказилган вақти: Соат 18:30 да

Мажлисида иштирок этганлар:

Кузатув кенгаши аъзолари: Назаров Жаҳонгир Баҳромович
Туляганов Шавкат Абиджанович
Ўралов Эркинжон Қўнғирбоевич
Турабеков Ойбек Улуғбек ўғли
Рахимов Шухрат Ражапович

Мажлисида "URGANCH SHAROB" АЖ (кейинги ўринларда - жамият) акциядорларининг 19.07.2019 йилдаги навбатдан ташқари умумий йиғилиши қарори билан сайланган 5 та Кузатув кенгаши аъзоларидан 5 таси қатнашиб, мажлис ўтказиш учун кворум 100 фоизни ташкил этади. Шу сабабли, Кузатув кенгаши кун тартибидаги масалалар юзасидан қарор қабул қилишга ҳақли.

Ўзбекистон Республикаси Акциядорлик жамиятлари ва акциядорларнинг ҳуқуқларини ҳимоя қилиш тўғрисидаги Қонунининг 78-моддасига асосан Кузатув кенгаши қарори сиртдан овоз бериш йўли билан (сўров йўли билан) қабул қилинди.

Таклиф этилганлар:

Жамият бошқарув раиси - Кенжаев Улуғбек Каландарович
Жамият бош ҳисобчиси - Салаев Хайрулло Жуманазарович

Мажлисида Назаров Жаҳонгир Баҳромович раислик қилиб, мажлисни очик деб эълон қилди ҳамда мажлис кун тартибидаги масалаларнинг муҳокамасига ўтиш таклифини киритди.

Таклиф Кузатув кенгаши аъзолари томонидан бир овоздан маъқулланди.

КУН ТАРТИБИ:

Ўзбекистон Республикаси Давлат активларини бошқариш агентлигининг 2020 йил 12 майдаги 2455/03-09-сонли хатини кўриб чиқиш тўғрисида.

Кун тартибидаги масала юзасидан Кузатув кенгаши раиси Ж.Назаров сўзга чиқиб, Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги ва “Масъулияти чекланган ҳамда кўшимча масъулиятли жамиятлар тўғрисида”ги Қонунлари талабларига асосан жамият акциядорлари (иштирокчилари)га дивидендлар тўлаш тўғрисида қарор қабул қилиш акциядорлар (иштирокчилар) умумий йиғилиши ваколати доирасига кириши ва ҳисобот йили учун акциядорлар (иштирокчилар) йиллик умумий йиғилиши молия йили туганидан кейин олти ойдан кечиктирмай ўтказилиши кўрсатиб ўтилган.

Ўзбекистон Республикаси Президентининг 2020 йил 15 апрелдаги ПК-4679-сон қарорига асосан давлат корхоналари ҳамда устав капиталида 50 фоиз ва ундан ортиқ давлат улуши мавжуд бўлган юридик шахслар харажатларини мақбуллаштириш юзасидан уларнинг бизнес-режаларини танқидий қайта кўриб чиқиш, тасдиқланган инвестиция дастурлари параметрларининг кузатув кенгашлари томонидан қайта кўриб чиқилиши ва ўзгартирилишини, 2019 йил учун олинган ва 2020 йилда олинган соф фойда бўйича давлат улушига ҳисобланган дивидендларни тўлиғича Давлат бюджетига ўтказиш юзасидан тегишли чоралар кўриш белгиланган.

Шунингдек, Ўзбекистон Республикаси Инқирозга қарши курашиш республика комиссиясининг 2020 йил 11 майдаги 22-сон “Давлат иштирокидаги корхоналарнинг бизнес-режаларини ҳамда инвестиция дастурларини қайта кўриб чиқиш ва улар томонидан Давлат бюджетига дивиденд ва ажратмаларни ўтказишни ташкил этиш тўғрисида”ги йиғилиш баёнига асосан Давлат активларини бошқариш агентлиги, вазирлик ва идоралар 2020 йил 1 июлига қадар иловада келтирилган йирик солиқ тўловчи-хўжалик жамиятларининг бошқарув органлари йиғилишларида 2019 йилнинг якуни бўйича олинган соф фойданинг тегишли қисмини (*Давлат унитар корхоналари учун 100 фоиз, хўжалик жамиятлари - 85%*) дивидендга йўналтириш масаласини кўриб чиқиш ва тегишли қарор қабул қилинишини таъминлаш белгиланганлигини билдирди.

2019 йилда жамият томонидан 36,3 млн.сўм соф фойда олинган. Соф фойдани 85 фоизини, яъни 30,87 млн.сўмни дивидендга, 5 фоизини заҳира фондига ва 10 фоизини ишлаб чиқаришни ривожлантиришга ажратиш тўғрисида жамият акциядорларининг умумий йиғилишига таклиф киритишни айтди. Бугунги пандемия шароитида Республика бюджетини тўлдириш мақсадида ҳисобланган дивиденд маблағларини давлат улуши қисмини аванс тариқасида бюджетга ўтказиб бериш таклифини киритди.

2019 йил якунларида соф фойда олиш режаси бажарилмаганлигини ҳамда 2020 йилнинг 1-чорак кўрсаткичларини инобатга олиб 2020 йил учун ишлаб чиқилган Бизнес-режа кўрсаткичлари танқидий кўриб чиқилди. 2019 йил ноябр ойидаги Бизнес режага асосан 400 минг дал ароқ, 120 минг дал вино, 4,7 минг дал коньяк маҳсулотлари жами 42593 млн.сўм сўмлик маҳсулотлар ишлаб чиқариш, 200 минг АҚШ долларлик экспорт қилиш ҳамда 1000 млн.сўмлик соф фойда олиш режалаштирилган.

Қайта ишланган Бизнес режага асосан 350 минг дал ароқ, 120 минг дал вино, 7,9 минг дал коньяк маҳсулотлари жами 40593 млн.сўм сўмлик маҳсулотлар ишлаб чиқариш, 105 минг АҚШ долларлик экспорт қилиш ҳамда 360 млн.сўмлик соф фойда олиш белгиланди.

Бизнес режа кўрсаткичларини кўриб чиқиш ва тасдиқлаш учун жамият акциядорларининг умумий йиғилиш кун тартибига киритишни таклиф қилди.

Кун тартибидаги масала муҳокама қилингандан сўнг, мажлис раиси қатнашчиларига ўз миннатдорчилигини билдирди ва мажлисни ёпиқ деб эълон қилди.